



# Bolwetši bja dikolobe



Ntombikayise Malaza



Ngwaga wo, naga ya dikolobe e aparetšwe ke bolwetši bja go fofa moyeng. Bolwetši bjo bo kotsi ebile bo a fetela. Kgoši ya dikolobe e rile ka moka ba thibe dinko tša bona, gomme ba dule gae.





Mma Kolobe o hlapiša dikolobjana gabedi ka letšatši. O be a nyaka gore di dule di hlwekile ebile di phedile gabotse.

O ile a di rweša masokisi mo dinkong go di šireletša bolwetšing bjo.





Tate le Mma Kolobe ba ile ba gašagaša  
dihlare ka ngwakong go thibela tshwaetšo.

Tate Kolobe o ile a lekola thempheretšha tša  
tšona ka moka.








Dikolobjana di jewa ke budutu. Di gopotše bagwera ba tšona. Go budutu go dula ka ngwakong matšatši ka moka. Efela go ba loketše go efoga tshwaetšo.



Kolobjana ye nngwe, leina la yona ke Tshwarelo, e be e seleka kudu. E ile ya tloša lesokisi nkong ya yona, gomme ya raloka ka ntle. “Ngwana yo ga a kwe.” Gwa realo mma Kolobe.







Tshwarelo ya boa e fiša e bile e ethimola.  
Mma Kolobe o be a tshwenyegile kudu gore  
Tshwarelo o tla fetetša tše dingwe.



Mma Kolobe a iša Tshwarelo ngakeng.  
Ngaka ya fa Tshwarelo dihlare.








Tshwarelo ya swanelwa ke go dula ka gae dibeke tše pedi. Ya laelwa go robala le go ja e le tee. E be e sa dumelelwa go raloka le tše dingwe.




Morago ga dibeke tše pedi, Tšhwarelo ya fola.

Mafelelong ya dumelwa go dula le tše dingwe.







Kgoši ya bega gore dikolobe ka moka di swanetše go ya bookelong gore ba humane tšhwaana ya go thibela bolwetši bjo.

Dikolobe di be di thabile ebile di imologile.



Bolwetsi bja sobelela nageng ya dikolobe.

Ka moka tša tloša masokisi mo dinkong tša tšona.

Tša thoma gape go phela gabotse (bophelo bja boela sekeng sa pele).

Ka moka tša thoma go etelana gape!

